

آنا دیلی و میلی کیملیک

1 بیرینجی بؤلوم: دیل، ایجتیماعی فنومن کیمی

هدایت سلطانزاده

دیل ایجتیماعی فنوملرین ان دولاشیغی و مورکی سایلیر. (Dale Spender) 1 «دئیل ایسپندئر»ین دندیگی کیمی، دیل نویترال دئییل و یان ساخالیان بیر فنومن دیر. دیلین رولو یالنیزجا فیکرلرین داشینماسی و اینتیقالیندا واسیطهچیلیک ائتمکله بیتمهیر. دیل اوزو ایدملری و دوشونجینی بیچیملندیریر و اونلاری قالیبا تۆکور. ان اؤنملیسی بودور کی، دیل هر نه دن اؤنجه، بئینین چالیشما پروقرامی حؤکومده دیر. اینسان دیشاری دونیانی اولدوغو کیمی، یان ساخلامدان ثبت اندیپ گۆره بیلمز. او دونیانی اولدوغو کیمی دئییل، دويدوغو کیمی یئنی دن دیل قالیبنا تۆکوب جانلاندریر. بیزیم ایشلریمیزه فرمان وئرن بئینیمیزین خارجی دونیا ایله دولایسیز و بیواسطه علاقہسی یوخدور. بیو الکتریک تحریکلر یولو ایله آلینان سیقتالار سینیر سیستمین اراجیلیغی ایله بئیننه کوچورلوب و بئین خارجی دونیا ایله علاقہیه گیریر. مثلن بئین ایشیغی و یا سسی سینیر سیستمی ایشتیراک ائتمه دن موسقیم اولاراق دویا بیلمز. بئین دیشاریدان آدیغی سیمبوللارین و علامتلرین یورماسیندا، دیل قالیبنا تۆکولموش کودلاردان (شیفرلردن) ایستیفاده اندیر. بونا گۆره، بو ایدیعاکی، «اینسانلار رئال دونیانی اولدوغو کیمی گۆره بیلرلر، و یان ساخلامدان منیمسهیرلر! چونکو اینسان دونیاسینی یاراداراق اونو دیل قالیبنا تۆکور. « بایاغی بیر سۆزدور. بیزیم دوشونجه میز (مثلن راسیزمه یا جینسی آیری سئچجیلیگه باخیشیمیز) دیله کودلاشدیریلیب. دیل، کودلاری آچیقلاماقلا، بئینیمیزین واقعیتده اوز وئرن حادیتهلری و اولایلاری یورما پروسئسی اوستونده اثر قویور. نتیجه ده، بیز اعمالیمیزی بو یوروملارا اویغونلاشدیریریق. خارجی وئرلرین (data) حقیقده حؤکم (قضاوت) ائتمک، بیر نفرین بئینین بیلاواسیطه اولاراق یجی راح دونیانی تانیماسی نین نتیجه سی دئییل و دیلین کودلاری واسیطه سیله باش توتور. دیل کودلاری بشرین ایجتیماعی- تاریخی قضاوتی نین اوست اوست قالانماسی نین سونوجو دور و دونیانی تانیماقدا سوزگج و پریزما (منشور) رولونو اوینایر. کودلار دونیانی پریمانین دالیسیندان گۆستردیکلری اوچون اونو دوزگون عکس ائتدیرمیر. بونا گۆره دیل، یالنیز علاقہ قورماق وظیفه سینی داشیماییر. بوتون یاخشی و پیس گلنه کلر و رسومات، تعصوبلر و اؤن یارقیلار (پیشداوری) و میللتلرین پسیکولوژیسی دیله ساخالنیلیر. بئله لیکله دیل ایدئولوژی ایله دولدورولموش و دویورولموش دور.

دیلین کودلاری ایجتیماعی هیرارشی اساسیندا سیرالانمیشدیر (صنیف لاندیریلیمیشدیر). دئمک، دیل بوتون ایجتیماعی موناسیباتی ایجتیماعی کودلار سیستمینه چئویریپ و بیر کیشی نین یا توپلومون بئیننه کۆچوردور. 2 دئمک اولار دیل ایجتیماعی موناسیباتین سیغیناجاغیدیر. اینسانین بئینی ایجتیماعی اولایلاری بیلاواسیطه اولاراق عکس ائتدیرمیر، بلکه دیلین نویترال فنومن اولمادیغی اوچون دیله کودلاشدیریلیمیش و آراسی کسیمه دن دگیشلمکده اولان ایجتیماعی موناسیباتین یاردیمی ایله تاپیب،

سۇنچىب، ھۆكۈم وئىرىر. ايجتىماعى موناىبىياتىن دگىشىلمەسى دە اۋز نۇوبەسىندە كودلارىن اوستونده اثر قوپور. ايجتىماعى موناىبىياتىن ضدىتلى اولماسى (چلىشگىلىگى) دىلدە دە اۋز عكسىنى تاپىر. بونا گۇرە دە دىل، ضدىتلى ايجتىماعى موناىبىياتىن و موخالىف ايدئولوژىلار قاناشان قازانى كىمىدىر. دىل، بو باخىمدان سىياسى - ايجتىماعى توققوشمالارىن و تارتىشمالارىن ايدئولوژىك مئىدانى دئىمكىدەر.

دىلن اۋزلىكلرىندىن بىرى دە سۇزجوگو (كلىمەنى) اۋز يوكلمىندىن تجرىد ائدىب آيىرماسى دىر(سووتلاماق پروسئسى). بللى بىر شئىي، بللى بىر آد ايله آدلاندىردىقدا، دئىمك، آبستراكت بىر آدىن واسىطەسىلە كونكرئت بىر زادى يئىندىن تانىماق و گۇز اۋنوندە جانلاندىرماق مومكون اولور. اىنسانى حنىوانلارنىن عالمىندىن فرقلندىر، اونون دوشونجە يارادىجىلىغى باجارىغىنا صاحىب اولماسى قابىلىيىتى دىر. بو قابىلىيىت يالنىز موجد سۇزجوكلرى بىر بىرىنە قوشوب تركىب ائتمك ايله گنرچكلنە بىلىر. آنجاق بونونلا بىرلىكدە، خارىجى واقىيىتى ترسىنە عكس ائندىرماق و تانىماغا دا يول آچىر. اىنسان، چنشىتلى اولايىلاردان و مۇوجود خارىجى واقىيىتلردىن بىر سىرا خوصوصىتلرى آيىرماقلا، آبستراكت سۇزجوكلرىن واسىطەسىلە اونلارنى بىر بىرىلە تركىب ائدىب رئال دونىا دا وىجودو اولمايان، آنلادىغىمىز يئرلى دىلدە دانىشان آعاجلارنى، بولاقلارنى، يونولمامىش حنىوانلارنى، بوينوزلو دئولرى و قوپورقلو جىنلرى، اۋز فىكرىندە جانلاندىرىر. بوناگۇرە دە بىز دونىانى اولدوغو كىمى تانىمىرىق، بللكە واقىيىتىن آبستراكت اولونان كاتاقورىلرى پوزولموش بىچىمدە تركىب ائندىن سونرا، اونو دىلن آراجىلىغى ايله اىنسانىن بئىننە كۇچوروب و يئىندىن دىلدە كودلاندىرماقلا دونىانى «تانىپىرىق». بئله اولماسايدى، اىنسانلار دونىانى وار اولدوغو كىمى گۇرردىلر، اونها سىياسى_ ايدئولوژىك اىختىلاقلارلا يئر يوخ ايدى و فرقلى باخىشلار دا اولمايىچاق ايدى.

گۇرونوگو كىمى، ايجتىماعى موناىبىياتدا دىلن اوينادىغى رول يالنىز نوپىرال كود رولونو اويناماق دئىل. دىلن، نئچە باشلى موركب كولتورل، تارىخى، حوقوقى، مىللى كىملىك، صىنىفى (طبقاتى)، جىنسى، ايدئولوژىك، سىياسى و بىلگىسل (معرفة) روللارنى دا بوينونا گۇتورمەسى بورادان آيدىنلاشىر. دىلن ان اۋنملى اىشى، چنشىتلى سويىبە لردە قودرت موناىبىياتىنى داىما يئىندىن تۇرتمكىدەر. قودرت موناىبىياتى، تارىخى شرايطدن آسىلى اولراق، راسىستى و مىللى آيرى سۇنچىجىلىگى (تبعىض) ياخود صىنىفى اوستونلوك و آشاغىلىق موناىبىياتىنى و جىنسى آيرى سۇنچىجىلىگى يئىندىن تۇرە دىر. اونون فرقلى جەنلرىنىن و بوپوتلارنىن (ابعاد) سئىرىنە دالماق تارىخىن بۇيوك كشفىياتلار دونىاسىنا گىرمك دئىمكىدەر. بونلارلا گۇرە دىلى، سادەجە بىر ايرتباط واسىطەسى و كولتورون تركىب حىصەسى تك سانماق، يالنىشدىر. 3

دىل، بىر مىلتىن، بىر ايجتىماعى قوروپون و يا بىر نفرىن تارىخى كىملىگى و سىجىللى (وارلىغىنادىل) ھۆكۈموندە دىر. تارىخى اجدايمىزىن بئىنلرىنىن بىولوژىك حىياتى و اونلارنىن تفكور قابىلىتلرى زمان باخىمىندان محدود اولسا دا، بو تارىخى باخىمدان محدود اولان زامان، دىلن واسىطە سىلە تارىخى آردىجىللىق قازانىر و آراسى قىرىلمايىر. اجدايمىز تارىخىن اوزاقلارنىدان برى، تورپاق قوينوندا ياتسالار دا، دىلن آراجىلىغى ايله اونلارنىن غم - غوصە لرى، نىسكىللىرى و اوزونتولرى، سئوئىجلىرى، احساسلارنى و دوپغوسال دونىالارنى، بوگونكو گونوموزدە بىزە بللەنىر و اونلارنى دويا بىلىرىك. دىل اونلارنى ياشادىقلارنى سورە دە بىرى بىرىلە بىرلىشدىرمرك، سونرا گلن نىسىلرە داشىيان عامىلدىر. بونلارنى دىلدە بىغىشىب، قورونوب قالماسى اوچون بىز بوگون اونلارنى تانىپىرىق، بىزىم بوگونكو كىملىگىمىز دىلن واسىطە سىلە اونلارلا دوگونلنمىش و بىزىملە اونلارنى بىر يئردە بىرلىشدىرمىشدىر. دونىادا چنشىدىلى دىللر اولماسايدى، مىلتلرىن سرحدلرىنى دە آيرىد ائتمك اولمازدى. دئىمك بىر دىل، بىر مىلتىن تارىخى اولوشومونو و گلشەمە سىنى، وارلىغىنى و كىملىگىنى، اۋز اچىندە گىزلىتمىشدىر. بىز بىولوژىك گلشەمەنىن يوكونو سوموكلرىمزلە داشىدىغىمىز كىمى، دىل دە بىر مىلتىن فردى و ايجتىماعى كىملىگىنى اۋز چىگىندە داشىپىر.

اصلینده، آنا دیلی حقیقده دانیساندا، دونیا میلترنین جوغرافیاسی ترکیبینه یئرلشمیش بیر میلتن کونکرت یئریندن ده دانیشمیش اولوروق. میلترین یارانماسیندا قاقاکی دورلرده ده، بویوک هوموژن قورویلاری بیری بیریندن آیران ان اؤنملی فاکتور دیلداشلیق اولوبدور. اسکی یونانلیلار یابانچیلارا بربر دئییرمیشلر، رومالیلار (اؤزلریله یونانلیلاردان سونرا) باشقالارینی آشاغی و مدنیتسز بیلیردیلر، نورمنلر اینگیلیس دیلینه آشاغی گوزویله باخیب و اینگیلسجینی گوبود، چینگ و مدنیتدن اوزاق ساییردیلار. اسکی چینلیلر، اؤزگهله حئیوانلار کیمی باخیب و اؤزلرینی چین دیوارلاری دالیندا قوروماغی لازیم گوروردولر. بو خالقلاری بیری بیریندن فرقلندیرن و آیران عامیل دیل ایدی. 4

ارسطونون نظرینجه بیر شئین وارلیغینا دلالت ائدن خصوصیتلرینی، بویاسینی، قوخوسونو، چکیسینی و بویوکلویونو ..اوندان تجرید ائندن سونرا هنج نه قالماسا دا، یننه ده «نه ایسه» قالیر. میلتن کاتاقوروسونا گلدیکده، هئفئل (Hegel) بونو («نه ایسه» نی) میلتنین روحو یا پسیکولوژیسی آدلاندیرمیشدیر. آلمان ناسیونالیزمینی آتالیغی ساییلان گوتفرید هئردئرین (Gotfrid Herder) فیکیرینجه، دیل میلتن کیملیگینی و روحونو تعیین ائدر. میلتنی وجودا گتیرن عامیل تکجه دیل دئییلسه ده، آنجاق میلتن ائتتیک اساسلاری، بوتون گلهنکری، تاریخی، و پسیکولوژیسی دیلین واسیطه سیله گلهجک نسیلره کوچورولور و بونلارین هامیسی بیرلیکده تاریخین گنیشینده میلتنی آدلانان وارلیغی اولوشدورور.

آنادیلی مسالهسی یئنی بیر مساله دئییلدیر. ایتالیا اومانیستلری دؤورونده، 5 خصوصیه دانته آلیقئری دن سونرا، حتا دانته دن اؤنجه دوققوزونجو یوز ایلیکده اروپادا شارلمانی ایمپئریاسینی چؤکمه سیندن سونرا، دئمک رۇنئسانس دؤورونون باشلانماسیندا قاقاق، آنادیلی مساله سی گوندمه گلمیشدیر. آنجاق بیرینجی دفعه اولاراق دانته آنادیلی قورامینی (تئوریسینی) ایرلی سوروبدور. لاتین دیلی اروپانین دینی و سیاسی کولتورونه حؤکم سوردوگو سوروده، دانته یئرلی اهالینین دیلینده، «وئرناکولار» (vernacular) دیلینده یازمانین ضرورلیگینی قئید ائدیردی. آنجاق «یئرلی دیلین یارارلی اولماسی» باشلیغی آلتیندا یازدیغی اثری بیتیره بیلمه میشدیر. بو یازی، میلادین 13- جو یوز ایلینده، آنادیلی مسالهسینه گؤره یازیلیمیش ایلیک تنقیدی اثر ساییلیر. دانته نین نظرینجه ایتالیا اهالیسی نین دانیشدیقلاری موختلیف لهجهلر ادبی دیله چوریلمه لیدیر و لاتین دیلی یالنین تکنیک دیلی ساحه سینده ایشلمه لیدیر. دانته نین فیکرینجه یئرلی اهالی نین دیلی، خلقتن دوغوسال و حیسی دونیاسینی داها طبیعی شکیده عکس ائتدیره بیلمه سینه گؤره، رسمی لاتین دیلیندن داها اوستون و اصلیراق دیر. بونا گؤره ده اونون دیل حقیقده گنیردیگی تئورییه گؤره، مدنی و کولتورل گلیشمه نین اساس قایناغی و تملی یئرلی دیل اولمالیدیر. دانته نین فیکرینجه، یئرلی خلقتن ادبیاتی و ادبی دیلی یوخدورسا، اونو یاراتماق گرکدیر. بونون اوچون ده دانته اؤزونون «تانیلارین کومندیاسی» آدلانان ادبی شاه اثرینی و «قوناقلیق» (بیلگی قوناقلیغی) آدلانان فلسفه یه عاید اثرینی یاشادیغی دؤورده حؤکم سورن سیاست، دین و آراشدیرمالار دیلینده، یعنی لاتین دیلینده یازما ییب و توسکانی اهالیسی نین دیلینده، ایتالیا دیلی نین فلورانس دئییشیجه، یازیبیدیر.

باشقا تاریخی فنومنلر کیمی، میلتنین ده ترکیب حیصله لری زامان باخیمیندا، بیر گؤز قیرپیمیندا یارانما ییبیدیر. اولار دا موختلیف مرحله لره وجودا گلیب، بیر یئرہ بیغیشیب و بیر بیرینه قوشوب بیتیشدیکدن سونرا، تئوریک بیچیمه گیرمه دن اؤنجه میلتن فنومنی (اولقو سونو) دوغرولدوبدور. میللی دیلین فورمالاشماسی و میللی کولتور و مدنیتی تمثیل ائدن یئرلی ادبیات و کولتورون یارانماسی دا بئله عومومی پروسئسی باشدان کئچیریبیدیر.

میلی مساله، ان ایبتیدایی بیچیمینده ده بئله، آنادیلی مساله سینده اؤزونو گؤستریمیشدیر. اینسان جمعیتی نین عشیرت دؤورونون

بلیرسیز (موبهم) و غنیر شوورلو بېرلشمەلریندن شوورلو میلی بېرلیکلرە کنجید مرحلەسیندە، دیل ان اۋنملی رول اوینامیشدیر. اروپانین اسکی دۋوردن یئنی دۋورە کچمەسیندە، دۋولترین سیاسی سیستملرینین اینکیشافیندا، مودرن دۋولتین فورمالاشماسیندا و نهایتدە 18 جی عصرین سونلاریندا «دۋولت - میلت» بېن قورولماسیندا، ان اۋنملی ایکی فاکتور دیل و میلی مسالە اولموشدور.

اروپانین موختلیف حیصەلرینین و اۋزلیکلە باتی و دوغو بۆلوملرینین غنیر پارالل مدنی اینکیشافی، بللی اولدوغو کیمی اونون ایکی بۆلومونە فرقلی کاراکتەرلر قازاندریمیشدیر. بلکە، اورتا عصرلرین باشلاریندا شارلمانی ایمپیریاسی نین دوغوسوندا یاشایان ایسلولاری، فین اۋنقورلری و بالتیک دنیزی چئورە سیندە یاشایانلاری بوتوۋلۈکدە دوغو اورپا آدلاندیرماق اولایلسین. شارلمانی نین چوخ میللی ایمپیریاسی نین چۆکمەسیندن سونرا، میلی مسالەننن ایلکین اۋزکلری دیل بیچیمیندە اۋزونو گۈستردی. دوغو اورپا ایسلولاری، تاریخدە بۋیوک مورایا ایمپیریاسی آدیله تانینان انتنیک واحیدی، ایندیکی چنک ۆلکەسیندە یئرلشن تورپاقلاردا قوروماقلا، بیرینجی دفعە اولراق اروپادا یئنی میللی دیل اساسیندا کولتور یاراتماغا باشلامیشلار. بیرنجی دفعە اولراق، 9 جو عصرین 60 جی ایللریندە، ایسلولارین میللی دیلی نین و کولتورونون نومونەلری و ادبیاتی اۋزونو گۈستردی. ایسلولارین 9 جو عصردە یاشامیش بۋیوک شاعیری و فلسفە خادیمی، کونستانتین بېر پونمادا بئله یازمیشدیر: اۋز دیلیندە کیتاب سیز اولان خالق، چیلپاق آدام کیمی دیر، تانری سینی آدینی یابانچی دیلدە آغزینا گتیرن، گونو گۈی اسکیه چولقانمیش بختی قارا بېر اینسان کیمی دیر. 6 یئنه باشقا یئردە یازمیشدیر: تانری یاغیش یاغدیراندا، هامی یا برابر یاغدیرمازمی؟ گونش کیمسەنی آیری سچمە دن هامییا ایشیق ساچمازمی؟ هامی برابر جەسینە نفس آلماق حقیقە مالیک دئییلمی؟ تانرینین سۋزلرینی اوچ دیلدن (یونانجا، عیبرانیجە و لاتینجە) باشقا بېر دیلدە سۋیلەمەسینی یاساق انتمک کیمی آیری سچجیلیکدن و او بیری خالقلاری گۈزو بۋوک و قولاغی توتوقلۇغا محکوم انتمکدن اوتانمازسینیزمی؟ تانرینین سۋزلرینە یابانچی دیلدە قولاق آسماق چوخ عاغلیسزلیقدیر!

مورایانلارین باشلادیغی بو حرکتدە، خالقین اۋز دیلینی ایشلتمکدە (یازیب اوخوما) حاقلی اولماسی ایستەگی گۈزە چارپیر. اولارین نظریندە ان بۋکسک دگرلی ایستک، بیرینجی نۆبەدە اۋز دیلریندە، دئمک ایسلو دیلیندە اینجیلی اوخوماق ایدی. بیزانس ایمپیریاسی و یونان کلیساسی، یونانین دین خادیملرینی و یونان دیلینی سچگین دیل ساییدیلار. یونان دیلی یازیب اوخوماق حاقلینی قاپساییب اۋزونه مونحصیر ائتمیشدی. بونا قارشى دورماق و شارلمانی دۋوروندن سونرا اونا مئیدان اوخوماق، اۋزونو یئرلی ایسلو دیلیندە یازماق حاقلیدان مودافیعە ائتمکدە، بېر میللین دیلی نین اوستونلوگو ایدنیاسینی رد ائتمکدە، دیلرین برابر حوقوقا مالیک اولمالارینی و ایسلویان کلیساسی نین ایستیقلائیتینی اعلان انتمک بیچیمیندە اوزە چیخیردی. «خیرابر» (Khraber) آدی بولغارلی یازیچی و دین خادیمی ایسلو دیلی نین، یونان، لاتین و عیبرانیجە ایله برابرلیگینی اعلان ائتدی. چونکو اونون دندیگینە گۈزە بونلارین هامیسی «بابیل» بورجونون چۆکمەسیندن سونرا یارانمیشلار. حتا ایسلو ایفباسی نین سونرالاردا یارناماسی دا اسکیکلیگ ساییلما بېر، اوناگۈرە کی، کریستیان دینی نین خادیملری اونو یاراتمیشلار! حالبوکی، لاتینجە نین و یونانجین ایفباسینی نامعلوم کافرلر ویجودا گتیریلر! یئنی شرابا یئنی قاب گرکن کیمی، یئنی اینام و اعتقاددا یئنی کلیمەلر و حرفلر گرکیر. 7 چنک خالق نین اسکی ناغیللاریندا دئییلن کیمی، کونستانتین بیلگی سیزلیگی (جهالتی) آرادان آپارماق اوچون یئرلی دیلردن فایدالانماغی اولدوقجا الوئریشلی وسیلە ساییدردی. بونو دا قئید ائتمەلی بیک کی، او زمانکی مقدونیه دیلی سی ایله ایسلو دیلی سی آراسیندا اولان فرق، ایندیکی آمریکا و اینگیلس دئییشلری آراسیندا اولان فرقندن آزاراق ایدی.

تاریخ بویو هر زمان بیر اولکهنی ایشغال ائتمک بوليله يابانچی دلی اورادا ياشايان ميللته يا خالقا تحمیل اندیبلر. (Tom Paulin) «توم پاولین» بین نظرینجه، هر هانسی بیر دیلین تاریخی، بللی بیر اولکهنین ایشغال اندیلمهسی یا یئنلمهسیله باغلیدیر. بیر دیلین «خالص لیگی» و «کامل لیگی» باره ده کی بحثلر معمولن «اینکیشاف» مساله سینه سادهلؤ و حلو قلا یاناشماقدان و یا قوندارما راسیستی نظرلردن ایرلی گلیر. 8

نورمانلار 1066 جی ایله اینگیلیستانی فتح اندیر و فرانسیز دلی 1362 جی ایله دک رسمی دیل ایستاتوسونو ساخالایا بیلیر. 13 جو عصرده رابئرت قیلاستئر نورمانلارین و اینگیلسلرین تاریخلرینی قنیده آدیغی و اخت، اینگیلیسجه نین یالنیز جمعیتین آشای قاتلاریندا ایشله دیلمه سیندن تاسوف ائتدیگینی بیلدیر میشدیر. نورمانلار گوجلرینی ایتیردیکن سونرا، اینگیلیستان پارلمانی نین چیخار تیغی قانونی قرار اساسیندا بوتون محکمهلرین دلی اینگیلیسجه یه چئوریلیر. بئله لیکله اینگیلیس دلی نین داخلی سورگون دؤرو سونا چاتیر. بونولا دا اینگیلیستان، أوروبا اولکهلری ایچینده یازی اثرلرینی اؤز دیلینده یارادن بیرنجی اولکهلردن سایلماقدادیر.

بو مساله دیل ایله سیاسی قودرتین و ایقتیدارین مونا سبیتی نی آیدینجاسینا گؤستریر. دیلین گلشمه سینی و اینکیشاف ائتمه سی نی تامین ائتمگه گؤره، خصوصیله تعلیم و تربیه (ائییتیم) ساحه سینده دیله رسمی ایستاتوس قازان دیرماق اوچون، دیلین آراسیندا سیاسی قودرت و ایقتیدارین گوجو دورمالیدیر. دیل ایله سیاسی قودرتین بیر ی بیریندن آیری اولماسی ایچی بوش سؤزدور.

گؤرکملی سویسلی (ایشوئچرملی) دیلچی و دیلچیلیک تئوریسینی فرددیناند دو ساوسور (Ferdinand de Saussure)، سیاست ایله دیلین مونا سبیتی باره ده بئله یاز میشدیر: نورمانلارین غلبه سی کیمی بؤیوک تاریخی حادثهلر، ایشغال اولونوموش اولکهنین دلی اوزرینده اولچویه گلمز سونوجلارلا نتیجه لنیر. موستملیکه یه (موستعمیره) چئویرمک، ایشغال ائتمگین بیر نؤوعی اولراق، یئنیلیمیش اولکهنین دلی نین دئیملری ترکیبینی دگیشیر، بیر بؤتؤو اولراق دیلین اؤزونده بئله اثر قویور. مثلن، نوروئژ اولکه سی ایله دانمارکانین سیاسی بیرلشمه سیندن سونرا نوروئژین دلی دانمارکا دلی نین نوفوذونا معروض قالدی و سونرالار اونون تاثیراتینی آرادان آپار ایبلدی. 9 ساوسورون نظرینجه، بیر اولکهنی رسمی اولراق ایشغال ائتمک یئرینه، اونون دیلینه و کولتورونه موسلط و حاکیم اولماقلا اونو بیر نؤوع موستملیکه یه چئویرمک اولاندی .

2 ایکنجی بؤلوم: دیل و ائییتیم (تعلیم تربیه)

بیزلر، هله ده اوزون ایللر اوستوندن سووشماسینا باخمایراق، اوشاقلیقدا مدرسیه گئدن گونلرده موعلمین یابانچی فارس دیلینده دندیکلرینی باشادوشمه دیگیمیزه گؤره چکدیگیمیز ایسترنس و نیگاران چیلیغی اونوتما میشیق. اوشاقلاریمیز آیاقلارینی مدرسیه آچان گوندن مجبور اولورلار آنا دیللی اولمایان اؤزگه و بیگانه بیر دیله یئنیدن دیل آچماغا چالیشسینلار. اولار سوردوکلری 6-7 ایللیک حیاتلاری بویوندا آنا دیلینده دانیشیب، عایله ایله، یولداشلار یله و یاشادیقلاری محیط ایله بو دیله علاقه قوروبلار. اولارین بوتون حبسی دونیالاری، تصوورلری و ایستکلری بو دیل ایله علاقه داردیر. دئمک یابانجی بیر دیله تعلیم تحصیل آلماق مجبور یئتینده قالماقلا، اوشاغین توپلادیغی حیات یادداشتی، تجربهلری و خاطرملری بو غولوب دوستاقلانیر. آرتیق بوندان

سونرا آلدیغی تعلیم تربیه ایندیهدک اؤیرندیگی نین آردی دنییلدیر. بیر یئنی یئتمه اوشاق اون اوچ یاشیندان سونرا یئنی دیلی چتینلیکله منیمسهیه بیلیر. اوشاغین یادداشتی نین آراسی قیریلماسی و ایتیردیگی تعلیم واختی بورادان بللی اولور. اوشاق اون اوچ یاشا دولنادک چنشینلی دیللی اؤیرنمک قابیلیتینه مالیکدیر. آنجاق یئنی دیلرین تعلیمی آنا دیلی اساسیندا قورولموش مونتم تعلیمات واسیطه سیله و آنادیلی تعلیمی نین دوامی کیمی مومکوندور. **10**

اوشاق، بؤیوکلرین دانیشیغینی یانسیلماقلا کیفایتلنمیر. او دیلین ایچ قورالارینی و قانونا اوغونلوقلارینی دویوب - اؤیرنمکله بیرلیکده اؤز اوچون مخصوص قورالار قورور. دیلین، اونون بئینینه کؤچورولموش ایچ قورولوشو، گنت گنده اوشاغین گلیمسه سیله بؤیوکلرین دیلینه اوغونلاشدیریلیر. **11** اؤز آنا دیلیندن اوزولوب اؤزگه بیر دیلده تحصیله باشلاماغا مجبور اولان اوشاغین تعلیم تربیه سی نین هارمونیک دوزهنی (اینٹیظامی) آرادان گندیر، بو دا اونون اؤیرنمه پروسئسینده جیدی پوزغونلق توره دیر. بئله لیکله، اوشاق پسیکولوژیک باخیمدان بللی بیر اولچوده اوزونه گوونمه حیسینی ایتیرمکله آنا دیللی فارسجا اولان اوشاقلار لا غئیر برابر یاریشا گیرمیلی اولور. بوندان سونرا اوشاق اؤز دیلینده دئیل، اؤزگه سی نین دیلینده یازیب اوخومالیدیر. بیر کیلاسدا تعلیم آلا فارسی دیللی اوشاقلار فارس اولمایانلارین (اینٹیملرینین) تعلیم تربیه لرینین نتیجه سی سؤز سوز کی، بیر اولمایا قادیر. دئمک فارس اوشاغی نین تعلیم پروسئسی، ایندیهدک اؤز آنا دیلینده اؤیرنمک، بئینینه بیغیب ساخلادیغی بیلگیلرین دوام ائتدیرمه سیدیرسه، فارس اولمایان اوشاقلارینکی بوتولوکله بونون ترسینه دیر. بونلارین ایندیهدک آنا دیلینده آلدیقلاری تربیه تعلیم پروسئسی نین آردی کسلیر، توپلادیقلاری بیلگیلردن و دیل لریندن قوپاریلیب و اونا یابانجیلاشدیریلماقلا مکتبه باشلابیرلار. اؤلکه نین رسمی اینتیتم سیستمی ایله فارس اولمایان میللتلرین بالالاری حقیقده آچیقجا سوردورولن آیری سنجیجی لیک و برابر سیزلیگ سیاستی رسمی اولراق قانونی بیچیمده بورادان باشلانیر.

اصلینه دوراندا، ایرانین رسمی اینتیتم (تعلیم تربیه) سیستمی، تحصیلین باشلانغیجیندان و ایلیک گونوندن آپارتاید سیستمی نین بیر اؤزل بیچیمینی رسمی اولراق قانونی لشدیریر. دوغروسونا باخاندا ایران دولتی نین سوردوگو سیاست ائله اوشاق باخاسیندان باشلابیب میلی طومون و آیری سنجیجیلیگین داشی بورادان قویولور. فارس اولمایان میللتلرین دیلینده یاییلان کیتاب و درگیلرین هابئله اولارین یئتیشدیردیگی یازیچی، شاعیر و آراشدیرجی لارین سایه سینا باخیب و بونو اؤز آنا دیلینده تحصیل آلمیش فارس میللتی نین کیلرین سایبسی ایله موقایسه ائنده، آپارتاید اساسیندا قورولموش اینتیتم سیاستی نین ضررلی نتیجه لری بلله نه جکدیر. بو کیمی تعلیم تربیه سیاستی ایران اهالیسی نین چوخونلوغونو کولتور باخیمیندان گنریده ساخلاییب و چیچکلنمه لرینین قاباغینی آلیر. اؤلکه نین تعلیم تربیه ایستاتستیکاسی فارس لار ایله فارس اولمایانلارین آراسینداکی گونو گوندن آرتان اینتیتم ساحه سینده کی یاریغی و آیریلیغی آیدینجاسینا گوزه چاپدیریر. آنا دیلینده تحصیل آلاماق ایمکانیندان محروم اولونماغین اوزون سورن نتیجه لرینه باخماساق دا، اوشاغین اینسانی حقیقی الیندن آلاماق و آیاق آلتینا سالیب تاپدالماق، اونون اینسان اولراق حقیقه توخونماقدیر. کیمسه نی آنا دیلی حقیقندن یوخسونلا تمار، اونون اینسان حقلرینین پوزماسی دئمکدیر.

چوخ میللتلی ایران اؤلکه سینده اینسان حقلرینین بو نؤوع پوزولماسی ایکی شکیلده اعمال اولونور: بیرینجیسی - بیر باشا آنا دیلینده یازیب اوخوماغین قاباغینی نین آلینماسی و تحصیل اوجاقلاریندا و حتا ایش یئرلرینده بئله آنا دیلینده دانیشماغین رسمی صورتده قاداغان ائدیلمه سی. ایکینجیسی - رسمی اینتیتم سیستمی واسیطه سیله یابانجی و اؤزگه بیر دیلین مجبور اولراق تحمیل ائدیلمه سی. بوتون اؤلکه لرین اینتیتم سیستمی ماهیتجه بیر ایدئولوژیک سیستم دیر. بو سیستمین آراجیلیغی ایله حؤکم سورن ایجتیماعی مونساییات جمعیتین بوتون ساحه لرینه یاییملانیر. دئمک اینتیتم سیستمی ده دیلین اؤزو کیمی نویترال دئیل و دریندن حاکیم ایدئولوژی ایله باغلیدیر. **12** سیاسی قورولوش باخیمیندان، گنرچکده چوخ میللتلی اولان اؤلکه لرده، تکجه

بیرمیللتین منافعینی قورویوب ساخالیان انییتیم سیستمینی ایشی، سیاسی ایتتیدارین دیل و کولتور ساحهسینده ده هژمونلوغونو تامین ائتمکدیر. چوخ میللتلی ایراندا حؤکم سورن بیر دیل - بیر میللت ایدئولوژیسی ده بئله بیر اساس اوستونده قوراشدیرلمیشدیر. بو ایش عملده راسیزمین گنیشلنمهسیله نتیجهلنیر. سون یوز ایلده ایران ادبیاتینین تورهتدیگی، فارس اولمایانلارین علئیهینه، آریا ایرقچیلیگی ایله دولو، راسیست ایدئولوژیسی ایله دوپورولموش اثرلر، بونا جانلی بیر دلیدیر. بو سیاستین نتیجهسی فارس اولمایانلارین ایکینجی درجهلی وطنداشا چئویرلمهسی و اولکه ایچینده بیرینجی دونیا ایله اوچونجو دونیا آراسیندا اولان موناسیباتین برقرار اندیلمهسی دیر.

بو قاتونا او یغون بیر فنومن دیر و بیر میللتین منافعینی قورویان سیاسی حاکیمیتلرین قورولوشو، چوخ میللتلی اولکهلرین هامیسیندا بئله بیر دورومدادیر. بؤیوک روس ادبی تنقیدچیسی ویساریون بئلینسکی روسیادا حؤکم سورن گئری قالمیش سیاسی قورولوشو، چار رژیمنی و کلیسانی قیزغین تنقید انتسه ده، چار رژیمنی ایله اوکراینالارین میلی مسالهسی و کولتورو باره ده فیکرداشلیق ائیدردی. اون دوققوزونجو یوز ایلین سونلاریندا، اوکراینالارین آراسیندا میلی اوپانیشین یوکسلمهسی و اوکراینا دیلینده مودرن ادبیاتین یاییلماسی اونو آجیقاندیریدی. بئلینسکی اوکراینا دیلینی و گنج شاعیر تاراس شوشنکونو کسگین لیکه تنقید ائدیب و قینایردی. بؤیوک ادبی تنقیدچینین بیر بیرله ضید اولان دموکراتیزم و راسیزمی اؤزونده بیرلشدیرمهسینه نه دئمک اولار؟ بیزجه اؤزدن ایراق قاباقجیل فارس آیدینلارینین چوخوسو بو خسته لیگه دوچار دیلار. حتا اؤزلرینی اینسان حقلری طرفداری بیلن فارس آیدینلارینین چوخوسو، فارس اولمایان میللتلرین سیاسی و کولتورل حقلریندن دانیشماغی بؤلوجولوک سانیرلار .

دانته آلقره، کولتورون یئرلی دیل اوزرینده قورولماسینا اینانیردی. بئلینسکی بونون تام ترسینه دوشونوردو. اونون فیکرینجه اوکراینالار کیمی دالی قالمیش خالقلار میللت دوزلتمک اوغروندا چالیشمامالی، بؤیوک کولتورون، یانی روس کولتورونون ایچینده اریملیدیرلر. 13 اونون سیاست فلسفهسی، راسیزمه بولاشمیش آلمان روماننیزمین سؤیکه نیردی. 14 اؤز ایچری مستعمره (موستملکه) لری اوزرینده قورولموش چوخ میللتلی روس ایمپئریاسی، «بیردیلین» و «بیر میللتین» باشقا میللتلره حؤکم سورمهسینین ایرقچیلیغی یؤنلنن نتیجهلریندن بویون قاچیرا بیلمزدی. بو سیاست بئلینسکی لر کیمی قاباقجیل آیدینلارین دا الینی ایرقچیلیغا بولاییردی.

3 اوچونجو بؤلوم: فارس دیلی «فوق میلی» دیلدیرمی؟

ایران باره سینده بئله ایدیغانین یئرسیز و یانلیش اولماسی بیرینا قالسین، ایدیغانین اؤزو اؤزلوگونده، ایراندا فارس لاردان باشقا ایری میللتلرین ده وارلیغینی گؤستریر. بو میللتلردن سؤز گلنده آچیقجاسینا آریا ایرقچیلیغی بویاسی ایله بویانمیش «قوملار و قومیتلر» کیمی آشاغیلادیجی سؤزلر ایشله نیلیر. فارس دیلینی «فوق میلی» لیگی اونون رسمی انییتیم سیستمی واسیطه سیله باشقا میللتلره تحمیل اندیلمه سیندن دیرسه، اونلارین دیل لرینی اللریندن آماقدان دیرسا، اونا اونو «فوق میلی» دیل دئییل، تحمیلی زوراکیلیق دیلی آدلان دیرماق گرکدیر. ایدیغانین او بیر اوزو بئله اولای بیلر کی، افغانیستاندا و تاجیکستاندا دا فارس دیلینده

دانشانلار واردیر، بونا گۆره فوق میلی دیل سایلمالییدیر. میلی حقاریندن محروم اندیلیمیش ایراندا یاشایان عربلری و تورکلری گۆتورک. بللی دیر کی، چئشیتلی اۆلکهلرده یاشایان، عربجه و تورکجه دانشانلارین سایسی نین قارشیسیندا، ایران، افغانستان و تاجیکستاندا یاشایان فارس دیللی لرین سایسی سینی اوسوت اوسته قویندا بنله، گۆزه گلمز اولاجاقدیر. بنله لیکله فارس دیلینی «فوق میلی» دیل آلداندرماق بیر ایچی بوش و بایاغی ایدیعا سایلمالییدیر.

عومومی اثبیتیم مودئرن بیر فنومن اولاراق خصوصیله فرانسا و آمریکا اینقیلابلاریندان سونرا مئیدانا چیخیدیر. اسکی زامانلاردا فلسفه، شعر و ادبیاتدان فایدالانان بوروکراسی اولموشدور. کاپیتالیزمدن اۆنجهکی دؤورلرده گننیش خالق کوتلهسی کولتور و ادبیاتدان یارالانا بیلیردی. بوناگۆره فلسفه، ادبیات و اینجهصنعت اثرلریندن حاکیم صینیفلر، خصوصیله بوروکراسی فایدالانا بیلیردی. بو اوزدن، اونو تۆرهدنلر ده بوروکراسی نین، یانی بو محصوللارین ایشلدنلرینین دیلینده یاراتمالی اولوردولار. کاپیتالیزمدن اۆنجهکی دؤورلرده یازیب اوخومانی باشارانلار یالینیز بوروکراسی و روحانیلر (دین خادیملری) اولموشلار. سینهلرده یاشاییب و آعیز یولیه کۆچورولن شیفاهی خالق ادبیاتیندان و فولکلوردان فرقلی اولاراق، فلسفه نین، تاریخچیلیگین و بدیعی ادبیاتین یازی دیلی اۆلکه نین بوروکراسی نین دیلینه باغلی اولمالی ایدی. دنمک بو محصوللاری ایشلدنلر بوروکراسی ایدی و اونلاری تۆرهدنلر بوروکراسی نین ایسته گینی یئرینه یئتیرمهی ایدیلر. بنله اولماسیدی محصول ایشلنمه میش قالاجاق ایدی. تورکلرین دایما دگیشمه ده اولان سیاسی حاکیمیت لرینین ترسینه اولاراق بوروکراتیک اومورات دیوان ایشچیلری اولان فارس لارین الینده ساخلانمیشدیر. منجه، تورکلرین نچه یوز ایل سیاسی ایقتیدار صاحبی اولمالارینا باخمایاراق، نیظامی، خاقانی، قطران و صائب کیمی گۆرکملی تورک دیللی شاعرلرین الیمیزه چاتان شعرلرینین فارس دیلینده اولماسی نین سببی بوندان عیبارتدیر. میثال اوچون اون دوققوزونجو یوز ایلین سونلارینداکی روس ادبیاتی نین چیچکلنمه سی نین سببی او گونکو اهالی نین یوزده دوخسان بئشینین تشکیل ائدن مؤهوماتا قاپیلیمیش روس کندلیسی اول بیلمزدی. بو محصولون موشتری سی هر نه دن اونجه روسیه نین چوخ گننیش بوروکراتیک قاتلاری ایدی. (لئو تولستویون «ساواش ایله باریش» رومانی بیرنجی دفعه اون دوققوزونجو عصرین ایکنجی یاریسندا چاپ اولونوب و تولستوی ایگیرمی مین مانات (روبل) قازانمیش اولور. او واختین پولو ایله بو چوخ بویوک پول ایدی. آیدین دیرکی، او دؤورون ساوادسیز روس کندلیسی بو ادبیاتدان ایستیفاده ائتمیردی و قازاندیغی آراجیق پولو کولتور و اینجهصنعت یئرینه زییارته گنتمگه خرجه لیردی.

فرانسادا دا بنله اولوبدور. فرانسای اینقیلابیندان اۆنجه، اورادا گننیش بوروکراسی اوزرینده قورولموش موتمرکیز بیر دؤولت یارانمیشدی. بونا گۆره بوتون آروپا اۆلکه لرینین دیل و ادبیاتی فرانسای دیلی نین و ادبیاتی نین کۆلگه سینده قالمیشدی. کاپیتالیزمدن اۆنجهکی دؤورلرده، کولتور یارادیجیلیغی نین (ساتین مالی دک) بوروکراسی یه (محصولون ایشلهدنی کیمی) باغلی لیغی قانونا اویغونلوق کیمی باشقا یئرلرده ده اؤزونو گۆستریردی. آروپانین سیاسی قورولوشو «دین- دؤولت» اساسیندا تشککول تاپمیشدی. دؤورون کولتور محصول لاریندان گننیش ایستیفاده ائدن کلیسا بوروکراسی سی ایدی. بونا گۆره ده لاتین دیلی آروپانین دین، فلسفه، حقوق، سیاست و ایداره ایشلرینده حاکیم دیلین رولونو اویناییردی. فارس دیلی نین ایشلنمه سی و یاییلماسی دا بوروکراسی ایله کولتور آراسینداکی قانونا اویغون باغلی لبقدان آیری دئییلدیر. بو قانونا اویغونلوقدان بللی بیر دیلین اوستون اولماسی نتیجه سینی چیخاریب باشقا دیللری محکوم حالینا سالماق اولماز. بوگون کیمسه لاتین دیلینده دانیشماییر و فرانسای دیلی ده، بویوک تاریخی گلیشمه سینده باخمایاراق قیراغا سورولوب و فرانسالی لارین تحقیر ائدیگی دیل ایله یئرینی دگیشیدیر. فارس دیلی ده بو گونکو ایراندا فارس میللتیندن قیراغا چیخاندا، دؤولتین رسمی باسقی سی گوجونه ایشلهدیلیر. ایراندا حؤکم سورن بیر میللت- بیر دیل بیجمیندهکی دؤولت قورولوشو دگیشیلدیکده، باشقا دیلر ده اؤز طبیعی گلیشمه لرینه ایمکان تاپیب و

ایرانین چوخونلو غونو تشکیل اندن غیر فارس محکوم میللترده اوز آنا دیلرینده یازیب- یارادا بیلهجکلر.

4 دوردونجو بؤلوم: آنا دیلی و میلی سورون

یئری گلیمشکن آنا دیلی ایله میلی مسالهنین قارشیلیقلى علاقهسىنین اؤنمینی وورغولامالی ییق. میلی مساله ایراندا فارس دیلینین دالیندا گیزلنیدیر. بیر پارا مومکوندور بئله خیبال ائتسینلر کی، گویا بیز و یاخود هر هانسی غیر فارس میللت سیاسی حقلرینی اله گتیرمەن، دیل آزادلیغی حقینی آلا بیلر یاخود اونا چاتا بیلر. چوخلاری بو بوش خیبالی بیلەردن کۆرۆکلە بیلرلر. ایراندا میلی مسالهنین کاراکترینی اونون اولوشماسی پروسئسینده آچیقجاسینا گۆرمک اولاندی. بو دا، «سیاست» سورونون، «دیل» سورونونا گۆره اؤنچوللوگو (تقدم) دور. بللی اولدوغو کیمی، میلی حقلره چاتماق اوغروندا چالیشانلارین بوتونونون فیکرینجه ایراندا یاشایان غیر فارس میللتلر ریضاشاهین کودتاسیندان (سارای چئوریلشیدن) سونرا میلی ظولم آلتیندا یاشاماغا محکوم اولموشلار و ریضاشاه دؤوروندن باشلایاراق فارس دیلینه رسمی دیل ایستاتوسو قازاندیریلیب و باشقا میللتلرین دیلری یاساقلانیدیر. دنمک سیاسی ایقتیدارین واسیطه سیله، ایراندا یاشایان میللتلرین دیلینی کسدیلر، سینه سین سؤکولر، آنادیلینده تحصیل آلمانین قاباغین آلدیلار، میلی دیل و کولتورون گلیمشەسینی دایاندیردیلار. شاه رژیمنی دگیش ایشلام جومهوریتی ده سون اوتوز ایله ریضاشاهین گنتدیگی یولو داها شیدتله دوام ائتدیریدیر. یئری گلیمشکن او دؤورون اوزدن ایراق آیدینلاریندان ساییلان ماحمود افشارین میلی مسالهنین حل ائتمه سینه گۆره ائندیگی تؤولیه لر ایشاره ائتمک اولار. اونون نظرینجه غیر فارس میللتلری سونگو گوجونه، یئر یوردندان کۆچورتمه لی، داغ داشین، سولارین، کندلرین و شهرلرین آدلارینی دگیشیب فارسلاشدیرمالی. دؤولتین مالی یاردیمی ایله فارس دیلینده چوخلو اوجوز درگیلر و نشریه لر بوراخمالی... بو ایشی پهلویلر آردیجیللیقلا گۆردولر و ایندی ده ایسلام جومهوریتی وار گوجیه اونو دوام ائتدیریر. بللی دیرکی بونلارین هامیسی سیاسی عمل ساییلیر. (ارتیق باخابلارسیز: 15)

دیل حقینه چاتماق اوچون، ایلك اؤنجه سیاسی ایقتیدار و کیفایته مالی لشدیریلیمیش رسمی انییتیم سیستمی اولمالیدیر. بونسوز آنا دیلینده تحصیل آلماق اولاسی دئییل. آذربایجان میلی حؤکومتی بیر ایلین ایچینده اوشاقلارین تورکجه تحصیل آلماسینی تامین ائدیب، تبریز اونیورسیتەسینی آچدی، میلی دیلیمزده درگیلر و مطبوعات یاییلدی... سیاسی ایقتیدارین (حاکیمیتین) آذربایجان میلی حؤکومتینین الینده اولماسی بو ایشلری مومکون ائتدی. ائله بونا گۆره ده شاه رژیمنین آذربایجانا قانلی هوجوم ائتمه سی و قوشون یئریمه سی ایله آنا دیلینده تحصیل آلماق سونگو گوجیه دایاندیریلیب یاساقلاندى.

ایستعمارچیلار (موستملیکهچیلر) هر زمان قان آخیتماقلا و سیلاح گوجیه بیر اولکهنی ایشغال ائندن سونرا اوز دیل لرینی ایشغال اولونموش اولکهیه تحمیل ائده بیلیمشلر. چونکو سیاسی گوج یابانچی دیلی بیر خالقا تحمیل ائتمگه ایمکان یارادیر. دیل هر زمان سیاسی گوجدن آسپلی اولوبدور. اصلینده ایراندا دا، آنا دیلی سورونو ماهیتجه سیاسی بیر سورون دور.

دیل پروبلیمینی سیاستدن آیری گوروب کولتورل پروبلم سانماقلا اونون چۆزولمه سینا ایسلام جومهوریتی چرچیوه سینده مومکون بیلنلر، ساده لولو حلوغا و بایاغی لیغا قاپیلیلر لار. رژیمن تهلوکه سیزلیک اورقانلاری بو کیمی باخیشلاردان فایدالانیرلار.

آز سايدا ، ايكى دىللى درگىلر يايىلماسينا دوزه بيلمەين رنژىم، آذربايجانين و باشقا فارس اولمايان مىللەتلر مىللى كولتور چاليشقانلار ينى، توتان، ايشكنجه ائدن، دوستاقلان، سورگونه مجبور ائدن و موختلىف يوللارلا اولدوروب آرادان آپاران نئجه اولاركى، آنا دىل يندە تحصيل آماق ايمكانى وئرسين؟ غنىر فارس مىللەتلر اوشاقلار ينىن آنا دىل يندە تحصيل آماقلارى ايسلام جومهوريسىنى دئویرمكله، بىر مىللەت – بىر دؤولت سىستىمىنى چؤكدورمكله حياتا گئچىرىلە بىلر!

[توركجهيه چئویرن: آچىق سؤز](#)

[1] Dale Spender : Language and Reality : Who Made the World(1980). Language and Cultural Theory Reader.Ed.by Lucy Burke, Tony Crowley, and Alan Girvin.London.2000.p.145

[2] Pierre Bourdieu : Classes and Classifications. A Critic A Social Critique of the Judgment of Taste. Conclusion. 1984,translated by Richard Nice, published by Harvard University Press, 1984, 604pp. –selected from pp. 466-484.

[3] John R. Searle: What is Language: Some Preliminary Remarks.

<http://www.reference-global.com/doi/abs/10.1515/9783110198843.1.7>

[4] Tom Paulin: A New Look at the Language Question(1983).Published in : The Routledge. ibidP.294

[5] Sarah Stever Gravelle: The Latin-Vernacular Question and Humanist Theory of Language and Culture.

Journal of the History of Ideas, Vol. 49, No. 3 (Jul. - Sep., 1988), pp. 367-386 / Published by: University of Pennsylvania Press

Baxin:

Lluís Cifuentes: Vernacularization , as an Intellectual and Social Bridge.

The Catalan Translations of Teodorico's "Chirurgia" and of Arnau De Vilanova's "Regimen Sanitatis" Early Science and Medicine, Vol. 4, No. 2 (1999), pp. 127-148 Published by: BRILL

[6] Roman Jakobson: The Beginnings of National Self-Determination in Europe. / The Review of Politics, Vol.7.No.1(January 1945) .pp.29-42 / Cambridge University Press

[7] orada

[8] Tom Paulin. / orada

[9] Ferdinand de Saussure :Language and Linguistics(1916).published by: The Routledge Language and Cultural Theory Reader.Ed.by Lucy Burke, Tony Crowley, and Alan Girvin.London.2000.P.54

[10] Natalia L. Komarova and Martin A. Novak: Natural Selection of the Critical Period for Language Acquisition.

Proceedings for Biological Sciences.Vol.268.No.1472(Jun.7.2001) PP.1189-1196 / Published by : Royal Society.

[11] Heidi C. Dulay and Marina K. Burt: Errors and Strategies in Child Second Language Acquisition. / TESOL Quarterly, Vol. 8, No. 2 (Jun., 1974), pp. 129-136.
Published by: Teachers of English to Speakers of Other Languages, Inc. (TESOL)

[12] Brian Street: Literacy in Theory and Practice(Cambridge Studies in Oral and Literature Culture). 1985.
Chap.4. The Ideological model.PP.95-129

[13] Andrea Rutherford: Vissarion Belinskii and the Ukrainian National Question. / Russian Review, Vol. 54, No. 4 (Oct., 1995), pp. 500-515. /Published by: Blackwell

[14] Cedric Dover: The Racial Philosophy of Johann Herder. / The British Journal of Sociology, Vol. 3, No. 2 (Jun., 1952), pp. 124-133.Published by Blackwell

[15] <http://www.achiq.org/yazi/hidayet%20dil.pdf>